



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 43. Calvinistæ ad seditionis suæ obtentum Tridentini Concilii promulgatione utentes.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul XVI
A.C. 1565.

crius jam antea variis ex caussis exacerbati erant; quippe ægre ferebant, quod quatuordecim urbes, quæ antiquioribus quatuor Episcopatibus unirentur, designatæ essent; plebs enim sibi persuadebat, quod tunc, si quatuordecim hi Episcopatus quatuor antiquioribus sedibus unirentur, exinde Status Ecclesiastici numerus contra Provinciarum privilegia augetetur, novique hæreticæ pravitatis Inquisitores instituerentur, proin Belgæ tribunali ipsis antehac haud cognito subjicerentur. Insuper illos Hispani militis, quem Philippus II. præsidarium illinc decreverat, insolentia offenderat.

§. XLIII.

Calvinistæ ad seditionis suæ obtentum Tridentini Concilii promulgatione utentes.

*Strada l 4.
ad ann. 1564.*

Præterea ex eo, quod Tridentini Concilii decreta ibidem fuissent promulgata, Belgarum seditio recrudit, quippe Philippus datis ad Gubernatricem literis præcipiebat, ut hæc decreta acceptari, eaque executioni dari toto studio adlaboraret, nec quacunque ex causa hac in re de suo fervore quicquam remitteret: equidem illa desuper plures Prælatos, celebresque Doctores

ctores in consilium vocabat, qui ei-
dem exponebant, hoc Concilium, cum
quosdam articulos contra Principum
jura, & Provinciarum privilegia con-
tineret, (*) in Belgio omnino promul-
gandum non esse, nisi hi articuli exci-
perentur, eapropter illa Regi cuncta
perscripsit, qui tamen hanc agendi ra-
tionem minime approbans ita respon-
dit: „præcipio, ut hoc Concilium ab-
„que ulla exceptione recipiatur, prout
„in Hispania factum. „ Gubernatrix
ecquidem Regis iussa exequi unice in-
tenta erat: verum qua majori severita-
te rem urgebat, eo difficilius pecunias
colligere poterat, necnon Religionem
Catholicam tuendi difficultates indies
magis crescebant, porro hæ res illam
timore replebant, ac consilii, quod ca-
peret, ignara Egemontium Comitem
ineunte hoc anno Domini millesimo
quingentesimo sexagesimo quinto in Hi-
spaniam

Sæcul. XVI.
A.C. 1565.

(*) Hanc causam fuisse allatam non Stra-
da, sed Continuator solus recenset, qui al-
terius etiam Nationis exemplo suæ gentis
Viros excusare nititur, quod Synodi decreta
ferme soli acceptare renuissent ex eodem præ-
textu: observes autem, hanc exceptionem in
Belgio a solis hæreticis, eorumque fautoribus
fuisse factam.

Sæcul. XVI. Hispaniam ablegat, ut per eum de Regis
 A.C. 1565. voluntate certior fieret.

§. XLIV.

Hispaniæ Regis mandata per Egmontium Comitem ad Gubernatricem deferenda.

Strada l. c. Philippus hunc Comitem benigne excipiens sæpius cum eo conferebat, atque eidem in Belgium remisso ampla dedit mandata, quorum summa hæc erat: „cum incredibili animi mei dolore percepi novos hæreticorum progressus, quapropter universo Orbi statutum reddere decrevi, quod ne minimam quidem Religionis mutationem in ditionibus meis tolerare velim, etsi millenas subire mortes oporteret: quapropter mando, ac præcipio, ut Gubernatrix privatum convocet Senatam, ad quem quosdam Episcopos, & præcipue Rithovium Yprensem Antistitem, nonnullos Theologos, atque ex suis Consiliariis Religionis studio magis accensos accerseat quæsitæ de Tridentino Concilio conferendi occasione, re tamen ipsa id fiat, ut ex illorum sententiis percipere valeat, quænam remedia magis opportuna essent, ut populi in avita Religione conserventur, atque infantes in scholis juxta